

chè 'l re haverà li fioli. *Item*, li et in Bologna è tanta carestia, che le persone muor per la gran fame.

66* *Da Bologna, del Surian orator, di 29.* Come el papa ha trovato imprestado da bolognesi ducati 20 milia, con farli la restitution Et li ha mandati in campo per Bazo Vitori comisario del campo. *Item*, come l' imperator havia dà uno vescoado in Spagna, over abazia, per ducati 2000 a l' anno de intrada al cardinal Campezo, et *etiam* dato altri benefitii via, li qual tutti el papa li havia confirmadi. Scrive, el papa se parliria a di primo, certo; et come el piovàn de San Zuminian vien de qui con el brieve de quelli de prima tonsura; del resto bisognerà, volendo haverli, che'l torni a Roma.

Di sier Vincenzo Salamon capitano de le galie de Baruto, date in galìa a a di Scrive el suo zonzer li. Narra la navigation et el cargo.

Di sier Zuan Alvise Soranzo bailo et capitano, et Consieri de Corfù, de 17 marzo. Mandà questi avisi :

A di 17 marzo 1530.

Beno da Corfù fo di Daniel, patron di gripo, referisse che domenega 13 del presente, hessendo a Prevesa, terra del Signor turco, intese che 'l vien tre over quatro sanzachi per sachizar li albanesi, tristi et desobienti, che non vol pagar el suo dreto et che non vol obedir a li agenti del Signor turco. Et che li primi turchi de quel luoco diceva che Curtogoli doveva, de comandamento del Signor turco, armar 200 vele per andar a la volta de Spagna. Et cussì dice haver inteso da diti turchi sui amici, manzando et bevando de compagnia con loro.

Copia de una lettera scritta in la Parga per quel castellan.

Aviso la magnificentia vostra come marti, che fo 15 del presente, vene uno homo de la Remassa, et insieme con lui alcuni de la Parga, riporta come vien abasso assai exercito, zoè doi bassà grandi per nome Imbrain bassà et Agias bassà. Uno vien a le bande de albanesi, zoè Imbrain, et l' altro a le bande de la Valona, per ruinar albanesi. Et disse haver aldito a dir de ianizeri che zà i era carge le some de Imbrain, et entrati al Vardari. Però aviso la

magnificentia vostra provedi a questo luogo, che non ne son nè polvere nè bombarde, et lo revelin è ruinado in terra.

A di 16 marzo 1530.

Di sier Hironimo da Canal governador de la quinquere, date in Candia, a di 18 de marzo. Scrive come era venuto li, et havia hauto gran fortuna, adeo 14 zorni continui mai havia potuto butar la tenda per galìa, sichè le povere zurme haveano quasi perso li piedi da fredo. *Item*, è morto sier Piero da Canal qu. sier Giacomo, era suo nobile.

Di sier Alexandro da chà da Pexaro pro- 67
veditor de l' armada, data in galìa, a

Fu poi posto, per li Consieri, Cai di XL et Savi del Consejo et Terra ferma, che, atento la richiesta de la Cesarea Maestà, sia relevà la taia a Paulo Luzasco, restando però el primo bando de Verona et veronese, et sia scritto a tuti li rectori debbano levar via la sua imagine fu posta, sicome fu preso, etc., *ut in parte*. Ave : 17 non sincere, 41 de no, 151 de si. Fo presa, et fo comandà credenza fino per il Serenissimo da matina fusse de questo ditto a li soi ambascadori.

Fu posto, per li Consieri et altri *ut supra*, pur a requisition de la Cesarea Maestà, far salvoconduto per uno anno, in la persona tanto, de Santo Lopes, qual se vol acordar con li soi creditori. Et fu preso. Ave : 191, 12, 5.

Et fo licentiatto el Pregadi a hore 23, et restò Consejo di X con la Zonta, per trovar danari da pagar li galioti, che ogni matina, *maxime* hozi, eridano a la porta del Collegio. Et cussì presono do parte; sichè li proveditori sora l'Armar haverano ducati milia per queste feste, *videlicet* ducati milia d' oro, che vien de Cipro, per el tributo del Turco, i qual erano ubligati a Zorzi Griti fiol natural del Serenissimo, ha tolto a pagàrli de là, et oltra questo havea certa altra obligation de depositi al Sal. Però la Signoria se serve di questi danari, et li depositi se li darà....

Item, che ducati 800, ogni mexe dia dar a lo Armamento la Zeca

In questo zorno, acadete cosa notanda, che uno fiol, de anni , nominato , del banchiel di cambiar de conti et monete, stà apresso el campanel, nominato , qual zà tre zorni non